

Ремзавадин көдлмшчнрин диилврмүд

Элст балгьсна ремзавадин көдлмшчнр, СССР-н Деед Советин сунъгъврн өдриг көдлмштән ик диилврмүд үзүлдж тосхмн гидж, шундж йовцхана.

Шин джилин, зуг түрүн сард мана танъгъчин колхозмудт болн совхозмудт гахан 209 кормушкс кедж өгв, эс гидж зурагъасн 109 кормушкс үлү кев. Тиигдж, январь сарин зурагъан 110 процент күргдж өдн күцәцхäv.

Өдр болгън селвлгънә көдлмшин кемджәгъән 190 процент күргдж күцәдж Корниенко Анатолий, Мацаков Саранг,

Кавинов А., Адьянов Анатолий болн Имкинов Юрий, түрүн нуурт йовх үзмджтә көдлмштә тоомсрта багъчудин нер зүүцхäv.

Эн заводт удан көдлджәх Китаев Алексей, Павшин Иван болн нань чигн кесг күн сара зурагъан 100 процент давулдж күцәдж йовцхана.

Эврә чидләрн нәәмн патърта хойр гер тосхх болдж, өдн шиидвр авцхав. Тер тосхлтин бәәрнүр өдр болгън чолу зөбддж герин улинь белдлгънә көдлмш кегдджәнә.

А. ЭРДНИЕВА.